

## Tus Mob-Rocky Mountain Spotted Fever (tick-borne typhus fever)

Disease Fact Sheet Series

---

### Tus mob Rocky Mountain spotted fever zoo li cas?

Tus mob Rocky Mountain spotted fever (RMSF) yog ib tug mob los ntawm cov zuam dev uas muaj tus kab mob hu ua (Der macentor variabilis), thiab lwm cov zuam. Txij xyoo 1980 txog rau xyoo 2003 no tsuas muaj 16 tus neeg raug tus mob no hauv lub xeev Wisconsin no. Feem ntau cov mob no mas yog mus kis ntawm lwm lub xeev los xwb.

### Leej twg thiaj liyuav kis tau tus mob RMSF?

Tus mob RMSF yeej tsis muaj kiag li los yog nyob rau lub xeev Wisconsin no. Feem ntau, cov tib neeg raug coob rau cov xeev hauv qab teb sab hnub tuaj hauv teb chaws As Mes Lis Kas no. Txawm lub npe mob tis li saum no, los tus mob tsis tshua pom tshwm nyob cov xeev laj roob ntawd. Cov tib neeg raug ntau yog cov me nyuam yaus thiab cov neeg hluas. Yeej paub tias thaum twg raug tus mob no mas yeej yog raug cov zuam muaj kab mob tom xwb.

### Tus mob RMSF no ri li cas?

Thaum raug cov zuam uas muaj kab mob, yam li American dog tick, lone-star tick los yog cov wood tick)tom mas yuav ua mob RMSF. Tsis tas li, yog tej tawv nqaij lam mus nphav tau cov zuam no cov kua nruab nrog cev los yog cov quav mas kuj yuav kis tau tus kab mob no thiab. Tsis pom tib neeg yuav kis tau rau tib neeg, los yog, tsiaj kis rau tib neeg tau.

### Cov tsos mob ntawm tus mob RMSF no zoo li cas?

Thaum raug tus mob RMSF mas yuav ua rau tus neeg kub cev heev sai tuaj( uas yuav mob li no ntev li 2-3 lis piäm), mob taub hau heev, nkees, mob tob tob rau tej nqaij pob txha, ua daus no thiab tawm pob. Cov pob pib tshwm ntawm tej ceg los yog caj npab thiab kuj pom tshwm rau qab xib taws los yog xib teg tib si, ces yuav huam sai sai mus thoob ib ce. Cov pob no kuj yuav sib txaww me ntsis ntawm ib leeg mus rau lwm leej.

### Thaum kis tas, hos ntev mam pom cov tsos mob tshwm?

Yuav pom tsos mob tshwm li 3-14 hnub tom qab raug zuam tom tas.

### Yog raug tus mob RMSF no ib zaug lawm puas yuav raug ntxiv dua?

Yog raug tus mob no ib zaug lawm mas yuav tsis rov raug ntxiv dua lawm.

### Yuav kho tus mob RMSF no li cas?

Yuav siv cov tshuaj hu ua tetracycline los yog cov chloramphenicol los kho tus mob no.

### Yuav ua li cas tiv thaiv tau kom tus mob RMSF no txhob ri tau?

Yog mus tsham rau tej thaj chaw muaj zuam coob mas yuav tsum tau soj xyuas tej ris tsho thiab tej tawv nqaij seb puas muaj zuam. Ua li no mas kuj yuav pab txo kom tsis txhob raug zuam tom. Siv tshuaj tua zuam los tsuag rau tej ceg thiab tej ris tsho kuj yuav pab tau kom zuam tsis txhob lo tau rau ntawd. Nquag txiav nyom ncig tej qab vag tsib taug los tej laj kab mas yuav txo kom tsis muaj zuam coob nyob rau tej ntawd.

## **Yuav rho tus zuam tawm li cas?**

Muab tus ciaj tais los mus tais tus zuam ze ze rau ntawm daim tawv nqaj zuam tom ntawd, ces rho thiab rub tus zuam tawm. Yog tsis muaj tus ciaj tais, no ces muab hnab looj tes los looj tes, los yog muab ntawv tiag tes, ces mam mam siv ob tug ntiv tes los mus rho thiab rub tus zuam tawm. Tsis txhob siv tes dawb tes npliag los mus rho tus zuam tawm. Ceev faj tsis txhob nyem, zuaj, los nkaug tus zuam tsam nphav raug cov taug hauv tus zaum lub cev. Thaum rho tus zuam tawm lawm, muab tshuaj ntxuav kab mob los ntxuav lub qhov txhab thiab ntxuav tes kom huv si. Yog rho tsis tau tus zuam tawm tas, no ces hu, los yog, mus ntsib tus kws kho mob. Thaum pom tus zuam mas yuav tsum rho tawm sai sai. Thaum mus rau tej qhov chaw muaj zuam, yuav tau xyuas ntsis saib puas pom zuam ntawm yus lub cev. Yog rho tau tus zuam tawm li 3 teev thaum zuam tom tas ntawd no ces tej zaum kuj yuav tsis ua taus mob.

---

DEVELOPED BY THE DIVISION OF PUBLIC HEALTH, BUREAU OF COMMUNICABLE DISEASE  
COMMUNICABLE DISEASE EPIDEMIOLOGY SECTION.  
PPH 42086H (Rev. 05/04)